

四庫全書

經部

欽定四庫全書

經部
禮書卷
二十五至
三十

詳校官尚書臣德保

給事中臣溫常綬覆勘

總校官檢討臣何思鈞

校對官待詔臣胡士震

騰錄監生臣蔣肇源

欽定四庫全書

禮書卷二十五

宋 陳祥道 撰

菜
百
晦

田
百
晦

下地

田百晦

菜二百晦

都鄙之制

太宰以八則治都鄙

都之所居曰鄙都鄙公卿大夫之采邑王子弟所食邑周召毛聘畢

原之屬在畿內者也

以九賦斂財賄四曰家削之賦五曰邦縣之

賦六曰邦都之賦

家削三百里邦縣四百里邦都五百里

以九兩繫邦國

之民二曰長以貴得民六曰主以利得民

鄭司農曰主謂公卿大夫

世世食采不絕民稅薄利之玄謂利如上思利民之利謂以政教利之

正月之吉始和布

治于邦國都鄙乃施則于都鄙而建其長立其兩設其伍宰夫掌治法以攷百官府羣都縣鄙之治乘其財用

之出入

羣都謂采邑也

司會掌邦之六典八法八則之貳以逆

邦國都鄙官府之治司裘王大射則共虎侯熊侯豹侯

諸侯則共熊侯豹侯大夫則共麋侯

諸侯謂三公及王子弟封於畿內者

卿大夫亦皆有采地焉其將祀其先祖與羣臣射以擇之

大司徒辨其邦國都鄙之

數制其畿疆而溝樹之設其社稷之壇而樹之田主凡

造都鄙制其地域而封溝之以其室數制之不易之地

家百畝

都鄙王子弟公卿大夫采地其界曰都鄙所居也王制曰天子之縣內方百里之國九七十里

之國二十有一五十里之國六十有三此蓋夏時采地周末聞矣

一易之地家二百畝

再易之地家三百畝小司徒乃經土地而井牧其田野

九夫為井四井為邑四邑為丘四丘為甸四甸為縣四

縣為都以任地事

此謂造都鄙也采地制井田異於鄉遂重立國小司徒為經之立其五溝

五涂之界其制似井之字因取名焉井田之法備於一同今止於都者采地食者皆四之一其制三等百里之國凡四都一都之田稅入於王五十里之國凡四縣一縣之田稅入於王二十五里之國凡四甸一甸之田稅

入於王

封人凡封國設其社稷之壇封其四疆造都邑之

封域亦如之載師以家邑之田任稍地以小都之田任縣地以大都之田任畺地縣師掌邦國都鄙稍甸郊里

之地域遺人以縣都之委積以待凶荒掌節守邦國者
用玉節守都鄙者用角節大宗伯乃頒祀于邦國都家
鄉邑典命王之三公八命其卿六命其大夫四命及其
出封皆加一等其國家宮室車旗衣服禮儀亦如之大

祝頌祭號于邦國都鄙都宗人

都謂王子弟所封及公卿所食邑

掌都

祭祀之禮凡都祭祀致福于國家宗人

家謂大夫所食采邑

掌家

祭祀之禮凡祭祀致福量人營國城郭營后宮量市朝
道巷門渠造都邑亦如之掌固凡國都之境有溝樹之

固郊亦如之方士掌都家聽其獄訟之辭小行人達天

下之六節都鄙用管節以竹為之朝大夫掌都家之

國治

平理其來文書於朝者

日朝以聽國事故以告其君長

國事故天

子之事當施於都家者也告其君長使知而行之

國有政令則令其朝大夫

使

告其都家之吏

凡都家之治於國者必因其朝大夫然後聽之

惟大事弗因凡都家之治有不及者則誅其朝大夫在

軍旅則誅其有司匠人王宮門阿之制五雉宮隅之

制七雉城隅之制九雉經涂九軌環涂七軌野涂五軌

門阿之制以為都城之制宮隅之制以為諸侯之城制
環涂以為諸侯經涂野涂以為都經涂王制曰天子之
三公之田視公侯天子之卿視伯天子之大夫視子男
天子之元士視附庸凡天子之縣內百里之國九七十
里之國二十有一五十里之國六十有三凡九十三國
名山大澤不以盼其餘以祿士以為閭田天子之縣內
諸侯祿也選賢置之於位其國祿之如諸侯不得世外諸侯嗣也有功封之使之世爵
諸侯世子世國大夫不世爵使以德爵以功謂縣內及列國諸侯

為天子大夫者不世爵而世祿辟賢也

諸侯之大夫不世爵祿禮運曰天

子有田以處其子孫諸侯有國以處其子孫大夫有采以處其子孫孟子曰天子之卿受地視侯大夫受地視伯元士受地視子男

先王之建都鄙以處子弟公卿大夫大者百里其次七十里其下五十里而此外有封疆溝樹之固其內有城郭市朝社稷宗廟之別使之朝夕涖事王朝而退食於家其家不出王城而都鄙乃在三百里以至

五百里之內此猶民之廛里在國而授田在鄉也鄭武公為周司徒其詩曰適子之館今還予授子之粢今鄭氏謂還在采邑之都然列職於朝常往返乎數百里之遠則是在途之日多而在朝之日鮮也鄭氏之說其果然乎采邑謂之都鄙者都以其有邑都也鄙以其在國之鄙也臣之於君猶月之於日月近日則其明缺遠日則其明全臣近君則其勢屈遠君則其勢伸故外諸侯世內諸侯則祿而已外諸侯曰君

內諸侯則曰長曰主而已其城制不以宮隅而以門
阿其經涂不以環涂而以野涂其鄉不設三而立兩
其射侯不射三而射二其守節不以玉而以角其達
節不以金而以竹則其邑謂之都鄙宜矣然有社稷
臣民其實國也故亦曰縣內之國與內諸侯

都鄙三等之制

書曰列爵惟五分土惟三畿內之臣其列爵與諸侯
異其受地與諸侯同故孟子曰天子之卿受地視侯

大夫受地視伯元士受地視子男然周禮上公九命
侯伯七命子男五命王之三公八命卿六命其大夫
四命而士不言命蓋上士三命中士再命下士一命
也以八命之公六命之卿其地視九命之公侯
以四命之大夫其地視七命之伯以三命之元士其
地視五命之子男蓋在內者卑其命而祿必視其外
則名有所屈而實有所養在外者崇命而祿大異乎
內則名有所伸而實有所守也載師士田任近郊之

地家邑之田任稍地小都之田任縣地大都之田任
疆地此所謂視侯伯子男者也士之受田寡矣而近
地為可容故任之於近郊公卿大夫之田多矣非遠
地不可故任之於縣疆此周采地之別也鄭氏釋大
司徒以王制縣內之數為夏之采地周則未聞釋小
司徒又曰采地百里之國凡四都五十里之國凡四
縣二十五里凡四甸

孔穎達謂家邑采地各二十五里在三百里內小都各受五十

里在四百里內大都各受百里在五百里內

既曰周之采地未聞又曰采

地二十五里之國凡四甸其言不特異於孟子又自
戾也

夏商采地之制

王制曰天子之田方千里公侯方百里伯七十里子
男五十里不能五十里者不合於天子附於諸侯曰
附庸天子三公之田視公侯天子之卿視伯天子之
大夫視子男天子之元士視附庸又曰天子之縣內
方百里之國九七十里之國二十有一五十里之國

六十有三凡九十三國名山大澤不以盼其餘以祿
士以為閒田天子之元士不與又曰天子之縣內方
千里者為方百里者百封方百里者九其餘方百里
者九十一又封方七十里者二十一為方百里者十
方十里者二十九其餘方百里者八十方十里者七
十一又封方五十里者六十三為方百里者十五方
十里者七十五其餘方百里者六十四方十里者九
十六鄭氏曰畿內大國九者三公之田三為有致仕

者副之為六也其餘三待封王之子弟次國二十一
者卿之田六亦為有致仕者副之為十二又三為三
孤之田其餘六亦以待封王之子弟小國六十三大
夫之田二十七亦為有致仕者副之為五十四其餘
九亦以待封王之子弟三孤之田不副者以其無職
佐公論道耳雖其致仕猶可即而謀焉然則王制言
王臣采邑之所視與孟子之說不同其為夏商之法
固可知矣鄭氏以王制前所言為商制後所言為夏

制不可考也周禮載師宅田任近郊之地家邑小都大都之田乃在三百里至五百里之地以近而狹者祿致仕之臣遠而廣者祿公卿大夫及子弟則是致仕之臣其祿少公卿大夫及子弟其祿多也鄭氏謂三等采邑皆有致仕之田與公卿大夫子弟地相埒恐先王之法不然

鄉遂都鄙三等之地

上地

中地

下地

大司徒凡造都鄙不易之地家百畝一易之地家二
百畝再易之地家三百畝小司徒均六鄉之土地上
地家七人中地家六人下地家五人遂人辨野之土
地上地夫一廛田百畝萊五十畝餘夫亦如之中地
夫一廛田百畝萊百畝餘夫亦如之下地夫一廛田
百畝萊二百畝餘夫亦如之大司馬凡令賦以地與

民制之上地食者三之二中地食者半下地食者三之一禮記王制上農夫食九人其次食八人其次食七人其次食六人下農夫食五人廢人在官者其祿以是為差孟子曰上農夫食九人上次食八人中食七人中次食六人下食五人爾雅曰田一歲曰菑二歲曰新田三歲曰畬班固曰歲耕種者為不易上田休一歲者為一易中田休二歲者為再易下田土工商家受田五口乃當農夫一人此平土可以為法者

也若山林藪澤原陵淳鹵之地各以肥磽多少為差
然則周禮於都鄙言易不易者地事也於鄉所食者
地利也於遂言田萊者地力也都鄙以政為主故以
地事言之鄉以人為主故以地利言之遂以地為主
故以地力言之司馬之令賦則欲知其地之厚薄食
之多寡故亦以地利言之其實一也惟遂人上地有
萊五十畝為異於鄉與都鄙以鄉之地狹於遂而都
鄙之地又輕於遂故也然周禮上地家七人而王制

孟子則上食九人其次八人中地家六人而王制孟子則中食七人其次六人下地家五人而王制孟子下食亦五人者蓋先王之於民養之欲其富保之欲其庶故家七人者必授以九人之上地家六人者授以七人之中地地下地則以地稱人而已凡欲下地之民生齒之蕃以及中上者而後憐此富而庶之術也小司徒井牧其田野春秋之時楚為掩書土田之事井衍沃牧隰皋大率二牧而當一井則三家受六夫之地與不易一易再易之法同也漢趙過教民治

田一畝三畝歲易其處謂之代田與一易再易之意
同也觀禹貢之田上上以至下下凡九等為掩別楚

地自土田以至衍沃亦九等

書土田度山林鵠藪澤
辨京陵表淳鹵數疆潦

規偃豬町原防牧隰
臯井衍沃以授子木

而周禮所言上中下地三等而

已蓋總其大致然也鄭氏謂自二人以至於十為九
等七六五者為其中如此則是二人三人四人下地
之三等也五人六人七人中地之三等也八人九人
十人上地之三等也孟子王制舉上中地而不及下

周禮舉中地而不及上下然周禮言上地中地地下地而孟子王制或言上次下次或言上中下是九等之地在其中矣孰謂各舉其偏哉遂人三等之田萊大司馬三等之軍賦其言上中下地與司徒三等之地同


禮書卷二十五

欽定四庫全書


禮書卷二十六

宋 陳祥道 撰

十寸之尺




八寸之尺



步
六尺
為步



晦步
為百
晦




夫
為晦百
夫

[illegible]

屋
為夫
屋三


夫	夫	夫
---	---	---

井
為屋三井




邑

為四
邑井




丘
為四邑




甸


四丘為甸方八里凡六十
井五七百七十六夫之地



成
甸
地
以
五
百
七
十
六
夫
出
稅
餘
三
百
二
十
四
夫
治
溝
洫
之




縣
四甸為縣
方十六
里旁加為
三十里




都

四縣為都方三十二里旁加為四十里



通


四都方八十里旁如十里則方百里為同同十成
百井則同一萬井九萬夫之地井田之法備於此也



成


司馬法曰井十為通通十為成成十為終終十為同井十為通則九十夫之地三分去一止六十夫又有不易一易再易率三夫受六夫之地惟三十家

終
成十
千夫
之為
地終
九



同

終十為同方百里然考工記十里為成百里為同則同
十成也司馬法則十成為終十終為同者先儒謂終者
據同一畔終頭
為言然則十成
為終其地也十
終為同其畔也



尺

十寸之尺
八寸之尺

家語曰布指知寸布手知尺投壺記曰籌室中五扶堂
上七扶公羊傳曰膚寸而合鄭氏曰鋪四指曰扶一指
按寸何休曰側手為膚按指為寸扶即膚耳然則寸尺
之度取諸身也漢律厯志曰一黍之廣為分十分為寸
十寸為尺然則寸尺之廣又取諸物也先王制法近取
諸身遠取諸物足以考信而無疑焉然後尺寸之度起
矣則指尺之與黍尺一也黍有巨細故尺有長短先儒

以黍之巨者積而為寸則與膚指不合於是有指黍二
尺之辨謂圭壁之屬用指尺冠冕尊彝之屬用黍尺豈
其然乎周禮典瑞壁羨以起度考工記壁羨度尺好三
寸以為度壁徑九寸羨而長之從十寸廣八寸同謂之
度尺則周之法十寸八寸皆為尺也考工記於按言十
有二寸於鎮圭言尺有二寸此十寸尺之證也說文曰
咫八寸周尺也王制曰周尺八尺為步今以周六尺四
寸為步六尺四寸乃八尺爾此八寸尺之證也

餘見
解同

隋書所載歷代之尺至有一十五種蓋古尺既廢後世長短異同之論遂不一也

步

六尺
為步

單穆公曰目之察度也不過步武之間荀卿曰立視前六尺而大之六六三十六丈六尺然則荀卿所謂六尺者步也單穆公所謂步者六尺也故司馬法曰六尺為步步百為晦班固論建步立晦亦祖之以為說則古者以六尺為步明矣王制言古者以周尺八尺為步今

以周六尺四寸為步古者百晦當今東田百四十六晦
三十步古者百里當今百二十一里六十步四尺二寸
二分然六尺四寸者十寸之尺也十寸之尺六尺四寸
乃八寸之尺八尺也其步數與荀卿之說不同蓋各述
其所傳然也

晦

步百
為晦

夫

晦百
為夫

屋

夫三
為屋

井

為井三

邑

為邑四

丘

為丘四

甸

四丘為甸方八里凡六十

成

甸旁加一里為溝洫則為十里之成凡一百片

十四夫
治溝洫

縣

四甸為縣方十六里旁加為三十里

都

四縣為都方三十二里旁加為四十里

通

成四都方八十里旁加十里則方百里為同同十

備於此也

成

司馬法曰井十為通通十為成成十為終終十

為同井十為通則凡十夫之地三分去一此六

終

十夫又有不易一易再易三為

同

終十為同方百里然考工記十里為成百里為

同則同十成也司馬法則十成為終十終為同

虞書禹曰濬畎澮距川小司徒乃經土地而井牧其田

野九夫為井四井為邑四邑為丘四丘為甸四甸為縣

四縣為都以任地事而令貢賦凡稅歛之事

此謂造都鄙也來地

制井田異於鄉遂重立國小司徒為經之立其五溝五塗之界其制似井之字因取名焉鄭司農云井牧者春秋傳所謂井衍沃牧隰臬者也玄謂隰臬之地九夫為牧二牧而當一井今造都鄙授民田有不易有一易有再易通率二而當一是之謂井牧昔夏少康在虞思有田一成有衆一旅一旅之衆而田一成則井牧之法先古然矣九夫為井者方一里九夫所治之田也此制小司徒經之匠人為之溝洫相包乃成耳邑丘之屬相連比以出田稅溝洫為除水害四井為邑方二里四邑為丘方四里四丘為甸甸之言乘也讀如乘甸之甸方八里旁加一里則方十里為一成積百井九百夫其中六十四井五百七十六夫出田稅三十六井三百二十四

夫治洹四甸為縣方二十里四縣為都方四十里四都
方八十里旁加十里乃得方百里為一同也積萬井九
萬夫其四千九十六井三萬六千八百六十四夫出田
稅二千三百四井一萬七百三十六夫治洹三千六百
井三萬二千四百夫治澮井田之法備於一同今止於
都者采地食者皆四之一其制三等百里之國凡四都
一都之田稅入於王五十里之國凡四縣一縣之田稅
入於王二十五里之國凡四甸一甸之田稅入於王地
事謂農牧衡虞也貢謂九穀山澤之材也賦謂出車徒
給繇役也司馬法曰六尺為步步百為晦晦百為夫夫
三為屋屋三為井井十為通通為匹馬三十家士一人
徒二人通十為成成百井三百家革車一乘士十人徒
二十人十成為終終千井三千家革車十乘士百人徒
二百人十終為同同方百里萬井三萬家革車百乘士
千人徒
二千人
遂人辨其野之土地中地下地以頒田里上

地夫一廛田百畝萊五十畝餘夫亦如之中地夫一廛田

百畝萊二百畝餘夫亦如之凡治野夫間有遂遂上有徑十

夫有溝溝上有畛百夫有洫洫上有涂千夫有澮澮上有道萬

夫有川川上有路以達于畿

十夫二鄰之田百夫一鄹之田千夫二鄙之田萬夫

四縣之田遂溝洫澮皆所以通水於川也萬夫者方三十里少半里九而方一同以南畝圖之則遂從溝橫

洫從澮橫九澮而川周其外焉去山陵林麓川澤溝瀆城郭宮室涂巷三分之制其餘如此以至於畿則中雖

有都鄙遂人盡主其地

匠人為溝洫

主通利田間之水道

耜廣五寸二耜為

耦一耦之伐廣尺深尺謂之畎田首倍之廣二尺深二

尺謂之遂

古者耜一金兩人併發之其壘中曰畎上曰戔戔之言發也畎畎也今之耜岐頭兩金

象古之耦也田一夫之所佃百畝方百步地遂者夫間小溝遂工亦有徑九夫為井井間廣

四尺深四尺謂之溝方十里為成成間廣八尺深八尺

謂之洫方百里為同同間廣二尋深二仞謂之澮

此畿內采

地之制九夫為井井者方一里九夫所治之田也采地制井田異於鄉遂及公邑三夫為屋屋具也一井之中三屋九夫三三相具以出賦稅共治溝也方十里為成成中容一甸甸方八里出田稅緣邊一里治洫方百里為同同中容四都六十四成方八十里出田稅緣邊十里治澮采地者在三百里四百里五里之中載師職曰圓廬二十而一近郊什一遠郊二十而三甸稍縣都皆無過十二謂田稅也皆就夫稅之輕近重遠耳滕文

公問為國於孟子孟子曰夏后氏五十而貢商人七十而助周人百畝而徹其實皆什一徹者徹也助者藉也龍子曰治地莫善於助莫不善於貢貢者校數歲之中以為常文公又問井曰孟子曰請野九一而助國中什一使自賦卿以下必有圭田圭田五十畝餘夫二十五畝死徙無出鄉鄉田同井出入相友守望相助疾病相扶持則百姓親睦方里而井井九百畝其中為公田八家皆私百畝同養公曰公事畢然後治私事所以別野人也又曰詩云雨我公田遂及我私惟助為有公田由此觀之雖周亦助也魯哀公問於有若曰年飢用不足如之何有若對曰盍徹乎曰二吾猶不足如之何其徹也春秋宣十五年秋初稅畝傳曰非禮也穀出不過藉以豐財也此數者世人謂之錯而疑焉以戴師職及司馬法論之周制畿內月夏之貢法稅夫無公田以詩春秋論語孟子論之周制邦國月商之助法制公田不稅夫貢者自治其所受田貢其稅穀助者借民之力以治

公田又使收斂焉畿內用貢法者鄉遂及公邑之吏旦
夕從民事為其促之以公使不得恤其私邦國用助法
者諸侯專一國之政為其貪暴稅民無藝周之畿內稅
有輕重諸侯謂之徹者通其率以什一為正孟子云野
九夫而稅一國中什一是邦國亦異外內之法耳圭之
言圭潔也周謂之士田鄭司農說以春秋傳曰有田一
成又曰列國一同

王制方一里者為田九百畝方十里者為方

一里者百為田九萬畝方百里者為方十里者百為田
九十億畝方千里者為方百里者百為田九萬億畝凡
四海之內斷長補短方三千里為田八十萬億一萬億
畝方百里者為田九十億畝山陵林麓川澤溝瀆城郭

宮室塗巷三分去一其餘六十億畝古者以周尺八尺

為步今以周尺六尺四寸為步古者百畝當今東田百

四十六畝三十步古者百里當今百二十一里六十步

四尺二寸二分詩信彼南山維禹甸之昉昉原隰曾孫

田之

甸治也箋云禹治而丘甸之

我疆我理南東其畝中田有廬疆

場有瓜是剝是蒞甫田曰倬彼甫田歲取十千

箋云甫之言文

夫也明乎彼太古之時以文夫稅田也歲取十千於井田之法則一成之數也九夫為井井稅一夫其田百畝井十為通通稅十夫其田千畝通十為成成稅百夫其田萬畝欲見其數從井通起故言十千上地穀畝一種

文王有聲曰築城伊瀆作豐伊匹

瀆成溝也匹配也箋曰方十里曰成瀆其

溝也廣深各八尺

駿發爾私終三十里亦服爾耕十千維耦

私民

田也言上欲富其民而讓於下欲民之大發其私田耳終三十里言各極其望也箋云駿疾也發伐也亦大服

事也使民疾耕發其私田竟三十里者一部一吏主之於是民大事耕其私田萬耦同時舉也周禮曰凡治野

田夫間有遂遂工有徑十夫有溝溝工有畛百夫有洫洫工有塗千夫有澮澮工有道萬夫有川川工有路計

此萬夫之地方三十里少半里也邦廣五寸二耜為耦一川之間萬夫故有萬耦耕言三十里者舉其成數耦

春秋宣十五年初稅畝左傳曰非禮也穀出不過藉

民耕

百畝公田十畝借民力治之稅不過此

成元年作丘甲

周禮九夫為井四井為邑四邑為丘

丘十六井出戎馬一匹牛三頭四丘為甸甸六十井
出長轂一乘戎馬四匹牛十二頭甲士三人步卒七十
二人此甸所賦今魯使
丘出之讖重欲故書

哀十二年用田賦左傳曰季孫

欲以田賦

丘賦之法因其田財通出焉一匹牛三頭
今欲別其田及家財各為一賦故言田賦

使

冉有訪諸仲尼仲尼曰丘不識也三發卒曰子為國老
待子而行何子之不言也仲尼不對而私於冉有曰君
子之行也度於禮施取其厚事舉其中歛從其薄如是
則以丘亦足矣若不度於禮而貪冒無厭則雖以田賦
將又不足且子季孫若欲行而法則周公之典在若欲

荀而行又何訪焉左傳又曰楚蔦掩為司馬書土田度

山林鳩藪澤辨京陵表淳鹵數疆潦規偃豬町原防牧

隰臯井衍沃

襄二十五年

又曰昔夏后少康在虞思有田一

成有衆一旅公羊曰初稅畝初者何始也稅畝者何履

晦而稅也何以書譏始履晦而稅也古者什一而籍什

一者天下之中正也多乎什一大桀小桀寡乎什一大

貉小貉什一者天下之中正也什一行而頌聲作矣

何休

曰聖人制井田之法而口分之一夫婦受田百畝以養父母妻子五口為一家公田十畝即所謂什一而稅也

廬舍二畝半凡為田一頃十二畝半八家而九頃共為一井故曰井田廬舍在內貴人也公田次之重公也私田在外賤私也井田之義一曰無泄地氣二曰無費一家三曰同風俗四曰合巧拙五曰通財貨因井田以為市故俗語曰市井種穀不得種一以備災害田中不得有樹還廬舍種桑荻雜菜畜五母雞兩母豕瓜果種廬畔女土蠶織老者得衣帛焉得食肉焉死者得葬焉多於五口名曰餘夫餘夫以率受田二十五畝十井共出兵車一乘司空謹別田之高下善惡分為三品工田一歲一墾中田二歲一墾下田三歲一墾肥饒不得獨樂硯確不得獨苦故三年一換土易居財均力平兵車素定是謂均民力彊國家在田曰廬在邑曰里一里八十戶八家共一巷中里為校室選其耆老有高德者名曰父老具有辨護伉健者為里正皆受俗田得乘馬父老此三老孝悌官屬里正此庶人在官之吏民春夏出田秋冬入保城郭田作之時春父老及里正旦開門坐塾

欽定四庫全書

卷二十六

上晏出後時者不得出莫不持熊者不得入五穀畢入
民皆居宅里正趨緝績女同巷相從夜績至於夜中故
女功一月得四十五日
作從十月盡正月止
哀十二年用田賦公羊曰譏始

用田賦也

田謂一井之田賦者歛取其財物也言用田
賦者若今漢家歛民錢以田為率矣不言井

者城郭里巷亦有井蠡忠賦之禮稅民公田不過什一
軍賦十井不過一乘哀公外慕強矣空盡國儲故復用

田賦過穀梁曰初稅畝者始也古者什一藉而不稅初
什一

稅畝非正也古者三百步為里名曰井田井田者九百
畝公田居一私田稼不善則非吏公田稼不善則非民
初稅畝者非公之去公田而履畝十取一也以公之與

民為己悉矣古者公田為居井竈葱韭盡取焉成元年

作丘甲公羊曰丘甲何以書譏何譏爾譏始丘使也

四井

為邑四邑為丘甲鎡也
譏始使丘民作鎡也

穀梁曰作丘甲

周禮九夫為井
四井為邑四邑

為丘為甲也兵甲國之事也丘作甲非正也丘作甲之

為非正何也古者立國家百官具農工皆有職以事工

古者四民有士民有商民有農民有工民夫甲非人人

之所能為也丘作甲非正也用田賦

古者九夫為井十
六井為丘丘賦之

法因其田財通共出焉一匹牛三頭今別其
田及家財各出此賦言用者非所宜用而用

古者公田

什一用田賦非正也

古者五口之家受田百畝為官田十畝是為私得其什而官稅其一

故曰什一周謂之徹商謂之助夏為之貢其實一也皆通法也今乃棄中平之法而田財並賦言其賦民甚矣

孟子曰夏后氏五十而貢商人七十而助周人百畝而

徹其實皆什一也詩云雨我公田遂及我私惟助為有

公田由此觀之雖周亦助也又曰請野九一而助國中

什一使自賦卿以下必有圭田圭田五十畝餘夫二十

五畝鄉田同井出入相及守望相助疾病相扶持則百

姓親睦方里而井井九百畝其中為公田八家皆私百

晦同養公田公事畢然後敢治私事此所以別野人也
前漢志曰理民之道地著為本故必建步立晦正其
經界六尺為步步百為晦晦百為夫夫三為屋屋三為井
井方一里是為九夫八家共之各受私田百晦公田十
晦是為八百八十晦餘二十晦以為廬舍出入相友守
望相助疾病相救民是以和睦而教化齊同力役生產
可得而平也民受田上田夫百晦中田夫二百晦下田
夫三百晦歲耕種者為不易上田休一歲者為一易中

田休二歲者為再易下田三歲更耕之自受其處農民
戶一人已受田其家衆男為餘夫亦以口受田如此士
農工商家受田五口乃當農夫一人此謂平土可以為
法者也若山林藪澤原陵淳鹵之地各以肥磽多少為
差民年二十受田六十歸田七十以上工所養也十歲
以下工所長也十一以上工所強也種穀必雜五種以
備災害田中不得有樹用妨五穀力耕數耘收穫如寇
盜之至還廬樹桑菜茹有畦瓜瓠果蓏殖於疆場雞豚

狗彘毋失其時女修蠶織則五十可以衣帛七十可以
食肉在塾曰廬在邑曰里春將出民里胥平旦坐於右
塾鄰長坐於左塾畢出然後歸夕亦如之入者必持薪
樵輕重相分班白不提挈冬民既入婦人同巷相從夜
績女工一月得四十五日周室既衰暴君污吏慢其經
界繇役橫作政令不信工下相詐公田不治故魯宣公
初稅畝春秋譏焉李悝為魏文侯作盡地力之教以為
地方百里提封九萬頃除山澤邑居參分去一為田六

百萬畝治田勤謹則畝益三升不勤則損亦如之地方
百里之增減輒為粟百八十萬石矣武帝末年以趙過
為搜粟都尉過能為代田一畝一畝歲代其處故曰代
田古法也后稷始畝田以二耜為耦廣尺深尺曰畝長
終畝一畝三畝一夫三百畝而播種於畝中苗生葉以
上稍耨隴草因隴其土以附苗根故其詩曰或耘或耔
黍稷薿薿芸除草也耔附根也言苗稍壯每耨輒附根
比盛暑隴盡而根深能風與旱故薿薿而盛也其耕耘

下種田器皆有便巧率十二夫為田一井一屋故晦五
頃用耦犁二牛三人一歲之收常過縵田晦一斛以上
善者倍之過使教田太常三輔大農置工巧奴與從事
為作田器二千石遣令長三老力田及里父老善田者
受田器學耕種養苗狀民或苦少牛亡以趨澤故平都
令光教過以人輓犁過奏光以為丞教民相與庸輓犁
率多人者田日三十晦少者十三晦以故田多墾闢書
曰濬畎澮距川詩曰惟禹甸之語曰禹盡力乎溝洫春

秋傳曰火康之在虞思有田一成有衆一旅則井田溝洫之制尚矣周官小司徒經土地而井牧其田野九夫為井四井為邑四邑為丘四丘為甸四甸為縣四縣為都以任地事以令貢賦遂人凡治野夫間有遂遂工有徑十夫有溝溝工有畛百夫有洫洫工有涂千夫有澮澮工有道萬夫有川川工有路以達于畿考工記匠人為溝洫廣尺深尺謂之剛田首倍之廣二尺深二尺謂之遂九夫為井井間廣四尺深四尺謂之溝方十里為

成成間廣八尺深八尺謂之洫方百里為同同間廣二
尋深二仞謂之澮司馬法六尺為步步百為畹畹百為
夫夫三為屋屋三為井井十為成成十為通通十為終
終十為同蓋三屋為井井方一里九夫四井為邑邑方
二里三十六夫十六井為丘丘四百里百四十四夫六
十四井為甸甸方八里五百七十六夫二百五十六井
為縣縣方十六里二千三百四夫一千二十四井為都
都方三十二里九千二百一十六夫鄭康成以小司徒

有邑甸縣都之別而其名與采邑同匠人有剛遂溝洫
澮之制而多寡與遂人異故言采地制井田鄉遂公邑
制溝洫又謂鄉遂公邑之吏或促民以公使不得恤其
私諸侯專國之政或恣為貪暴稅民無藝故畿內用夏
貢邦國用商助賈公彥之徒遂以載師自國中園廩以
至甸稍縣都皆無過十二是鄉遂及四等公邑皆用貢
而無助以明鄉遂特為溝洫而已然先王之為井田也
使所飲同井所食同田所居同廛所服同事出入相友

守望相助疾病相扶持鄉遂六軍之所寓庸豈各授之
田而不為井法乎大田之詩言曾孫來止而歌雨我公
田遂及我私噫嘻之詩言春夏祈穀于上帝而歌駿發
爾私終三十里亦復爾耕十千維耦周官遂人言興耒
旅師有耒耜此鄉遂井田之事也鄭氏以鄉遂無井田
而又以遂人之法釋詩以一井之法釋旅師是自戾也
孟子曰鄉田同井請野九一而助則鄉遂之為井田可
知矣載師之所徵賦非一夫受田之法而甸稍縣都皆

無過十二則采地有不為井田可知矣井田之制方里而井八家皆私百畝其中為公田而廬舍在焉公田八十畝而家治十畝廬舍二十畝而家二畝半廬舍在內貴人也公田次之重公也私田在外賤私也民年二十受田六十歸田而任之也有期强者有所加予罷者有所罰辱而勸之也有法此民所以樂事勸功而無憾於養生送死也先生之時上以仁撫下下以義事上以仁撫下故先民而後公則駿發爾私是也以義事上故先

公而後已則雨我公田遂及我私是也又私田稼不善則非吏公田稼不善則非民庸有鄉遂公邑之吏促民以公使不恤其私者乎小司徒九夫為井匠人亦九夫為井井間有溝自井地言之也遂人十夫有溝兼溝涂言之也然遂人百夫有洫而匠人十里為成成間有洫則九百夫之地遂人千夫有澮而匠人百里為同同間有澮則九萬夫之地其不同何耶成間有洫非一成之地包以一洫而已謂其間有洫也同間有澮非一同之地

包以一澮而已謂其間有澮也成與同地之廣者也洫與澮溝之大者也於成舉洫於同舉澮亦其大略云爾春秋之時楚為掩為政井衍沃牧隰皋而小司徒井其田野則取名於縣都而已觀二百一十國謂之州五黨亦謂之州萬二千五百家謂之遂一夫之間亦謂之遂王畿謂之縣五鄙亦謂之縣縣都之名豈特施於采邑哉然則鄉之井地謂之縣都可也

禮書卷二十六

欽定四庫全書

禮書卷二十七


宋 陳祥道 撰

禮書圖
塵

卷二十七

<p>綦</p>	<p>畫 二晦半 桑</p>	<p>昭</p>
----------	------------------------	----------

廬



餘夫田

二十
五晦

				晦
				晦
				晦
				晦
				晦

賞田

不食地	不食地	不食地
-----	-----	-----

廛

廬

周禮遂人工地中地下地皆夫一廛載師以廛里任國中
之地又曰宅不毛者有里布詩曰中田有廬疆場有
瓜又曰亟具乘屋孟子曰五畝之宅樹之以桑又曰五
畝之宅樹墻下以桑五母雞二母彘穀梁曰古者公田
為居井竈葱韭盡取焉班固曰井方一里是為九夫八
家共之各受私田百畝公田十畝是為八百八十畝餘

二十畝以為廬舍又曰還廬樹桑菜茹有畦瓜瓠果蓏殖於疆場在野曰廬在邑曰里何休曰一夫一婦受田百畝公田十畝廬舍二畝半凡為田一頃十二畝半八家而九頃共為一井故曰井田夫一廬者國中之居也載師以廬里任國中之地所謂在邑曰里是也廬者田中之居也所謂廬舍二畝半是也

何休范甯趙岐皆云廬二畝半廬

舍二畝半而廬亦二畝半則五畝之宅合在野在邑言之耳其在邑則春出於野詩曰亟其乘屋其始播百穀

同我婦子饁彼南畝是也其在野則冬入於邑詩曰我稼既同上入執宮功嗟我婦子曰為改歲入此室處是也考之於禮鄉師巡國及野以施惠鄉大夫辨國中之可任舍者鄉士掌國中之獄則六鄉之民莫不廛里於國中矣廛里所以奠居而廬舍特其宿息之地而已觀遺人言十里有廬詩言廬旅莊周言遽廬則田之有廬亦若此耳然詩又曰胡取禾三百廛兮揚子曰有田一廬田亦謂之廛者據一夫所受而統言之也

餘夫田

二十
五畝

周禮遂人以疆予任

謂疆予者民有餘力復予之田若餘夫然

工地夫一

廛田百畝菜五十畝餘夫亦如之中地夫一廛田百畝

菜百畝餘夫亦如之下地夫一廛田百畝菜二百畝餘

夫亦如之

戶計一夫一婦而賦之田其一戶有數口者餘夫亦受此田也

載芟詩曰侯

疆侯以

箋疆有餘力者周禮曰以疆予任

孟子曰餘夫二十五畝班固

曰歲耕種者為不易工田休一歲者為一易中田休二

歲者為再易下田農民戶一人已受田其家衆男為餘

夫衆亦以口受田如此賈公彦以先儒之說與孟子不同謂比餘夫是年二十九以下未有妻受口田故二十五畝若三十有妻則受夫田百畝故鄭注內則云三十畝受田給征役鄉大夫注亦云有夫有婦乃成家何休亦云一夫一婦受井田百畝先王之於民受地雖均百畝然其子弟之衆或食不足而力有餘則又以餘夫任之此詩所謂侯疆禮所謂以疆予任畋者也然餘夫之田不過二十五畝以其家既受田百畝而又以百畝予

之則彼力有所不逮矣故其田四分農夫之一而已禮
言上地田百晦菜半之中地二十五晦菜亦二十五晦下地
二十五晦菜五十晦則所謂如之者如田菜之多寡而
已非謂餘夫亦受百晦之田如正農夫也班固謂其家
衆男亦以口受田如此鄭司農謂戶計一夫一婦而賦
之餘夫亦受此田其說與孟子不合賈公彥之徒遂謂
餘夫三十有妻者受百晦二十九已下未有妻者受田
二十五晦是附會之論也

賞田

載師賞田任遠郊之地

廬里場園宅田土田賈田官田牛田賞田牧田九者亦通受一

夫焉則半農人也定受田十二萬家賈公彥曰農人相通各受二夫之地受一夫故云半農人遠郊二

十而三司勲凡有功者銘書於王之太常祭於大烝司

勲詔之大功司勲藏其貳掌地之政令

政令謂役賦

凡賞無

常輕重眡功凡頒賞地三之一食

鄭司農曰不以美田為米邑玄謂賞地之

稅三分計稅王食惟加田無國正凡賞無常輕重眡其一二金入於臣

功則賞田無多少之限矣凡頒賞地三之一食則賞田

無上中之壤矣。賞田任遠郊，遠郊二十而三，則賞田非止什一之稅矣。鄭氏謂載師自廛里以至賞田，牧田九者通受一夫半農人焉。定田十二萬家，以為九者之地，亦有不更易一易再易相通而各受一夫九萬夫為四萬五千，加以六鄉七萬五千夫為十二萬夫。此特言其大致，然也。賞田無上中之壤，庸有不更易之辨乎？古者任地之法，常以養民為重，故臺榭不奪稼地，而牧馬必在坵野，則賞地三之一食其稅二十而三。鄭司農謂不以

美田為采邑蓋以此也後世賞賜常重於養民故春秋

之時或予虢公以酒泉

莊二十二年

或予濤塗以虎牢

僖四十四年

或賜公孫免餘以六十邑

襄二十七年

或賜陳桓子以高唐

昭十年

或賜晉以陽樊溫原攢茅

僖二十三年

或賜酈班以門

之征

文十一年

豈先王賞功之意哉

加田

司勲惟加田無國正

加田既賞之又加賜以田所以厚恩也鄭司農國正謂稅也祿田亦

有給公家之賦貢獨加賞之田無正耳賈公彥曰加田是加恩厚人不稅入天子凡大夫士賜地有四種大夫

已工有采家邑任稍地之等是也又有賞田及加田圭
田是有四種加田無國征者無稅入天子法其民出稅
入圭則有之但加田未知所在或可與賞
田同處以其任田近郊加田在遠郊可知

晉語曰公食

貢大夫食邑士食田庶人食力工商食官皂隸食職官

宰食加

官宰家臣也
大夫之加田

先王之於功臣也以車服不足

以旌之故有賞田以賞田又不足以稱之故有加田賞

田二十而三則有國正矣加田無國正則正於鄉者容

有之也何則王制論秀士升於司徒者不征於鄉升於

學者不征於司徒則秀士升於司徒者無鄉征周官諸

子國有大事則帥國子而致於太子司馬弗正凡國征
不及則國子正於太子者無國正又均人言力政有公
甸用之法則役於鄉者非公用之也以此推之凡有田
里者正於鄉也又正於國加田無國正則正於鄉而已
此所以優功也

禮書卷二十七


欽定四庫全書

禮書卷二十八

宋 陳祥道 撰


禮書圖

夏貢
晦五十




商助

晦七十



周徹百晦



五溝

尺二 遂 深廣

尺四 溝 深廣

尺八 洫 深廣

仞二深 澮 尋二廣

川

五涂

徑

容牛馬

遂上

畛

容大車

溝上

涂

容乘車

洫上

道

容二軌

澮上

路

容三軌

川上

夏貢

五十畝

商助

七十畝

周徹

百畝

詩曰徹田為糧又曰徹申伯土疆有若謂魯哀公曰盍
徹乎曰二吾猶不足王制曰古者公田藉而不稅左傳
曰穀不過藉以豐財也穀梁曰古者什一藉而不稅公
羊曰古者什一而藉多乎什一大桀小桀寡乎什一大
貉小貉孟子曰夏后氏五十而貢商人七十而助周人

百畝而徹其實皆什一也徹者徹也助者藉也龍子曰
治地莫善於助莫不善於貢詩曰雨我公田遂及我私
惟助為有公田由此觀之雖周亦助也又曰請野九一
而助國中什一使自賦校數歲之中以為常者夏后氏
之貢也借民力以治公田者商人之助也兼貢助而通
行之者周人之徹也

周官載師園廛二十而一近郊十一遠郊二十而三
甸稍縣都皆無過十二閭師任農以耕事貢九穀司

稼巡野觀稼以年之上下出歛法此周之貢法也詩

曰雨我公田遂及我私旅師有勸粟許慎釋耰為助

孟子曰九一而助穀梁曰什一藉而不稅此周之助

法藉而不稅則同乎商

王制言古者公田藉而不稅鄭氏以為商制

其貢

法以年上下則異乎夏然夏之民耕五十畝而以五

畝貢商之民耕七十畝而以七畝助皆什內之一周

之民耕百畝以公田十畝徹什外之一孟子言其實

皆什一者以其法雖少異而其實不離什一也孟子

曰請野九一而助國中什一使自賦九一自地言之也什一自物言之也鄭氏釋匠人謂通其率以什一為正孔穎達之徒申之謂助則九而貢一貢則什一而貢一通率為什一是助之所取者重貢之所取者輕非孟子之意也夏商周之授田其畝數不同何也禹貢於九州之地或言土或言作或言乂蓋禹平水土之後有土焉而未作有作焉而未乂則於是時人功未足以盡地力故家五十畝而已公歷商周則田

浸闢而法備矣故商七十而助周百畝而徹詩曰信彼
南山維禹甸之昉昉原隰曾孫田之我疆我理南東
其畝則法略於夏備於周可知劉氏皇氏謂夏之民
多家五十畝而貢商之民稀家七十畝而助周之民
尤稀家百畝而徹熊氏謂夏政寬簡一夫之地稅五
十畝商政稍急一夫之地稅七十畝周政極煩一夫
之地盡稅焉而所稅皆什一賈公彥謂夏五十而貢
據一易之地家二百畝而稅百畝也商七十而助據

六遂上地百畝萊五十畝而稅七十五畝也周百畝而徹據不易之地百畝全稅之如四子之言則古之民常多而後世之民愈少古之稅常輕而後世之稅愈重古之地皆一易而後世之地皆不易其果然哉

五溝

書曰濬畎澮距川語曰禹盡力乎溝洫遂人夫間有遂十夫有溝百夫有洫千夫有澮萬夫有川匠人廣尺深尺謂之畎田首倍之廣二尺深二尺謂之遂九夫為井

井間廣四尺深四尺謂之溝方十里為成成間廣八尺
深八尺謂之洫方百里為同同間廣二尋深二仞謂之
澮專達於川凡溝逆地防謂之不行水屬不理孫謂之
不行稍溝三十里而廣倍凡行莫水磬折以參伍凡為
溝必因水勢防必因地勢善溝者水漱之善防者水淫
之凡溝防必一日先深之以為式然後可以傳衆力雍
氏掌溝瀆澮池之禁凡害於國稼者春令為阱獲溝瀆
之利於民者稻人掌稼下地以豬畜水以防止水以溝

蕩水以遂均水以列舍水以漕寫水王制曰方百里者
為田九十億畝山陵林麓川澤溝瀆城郭宮室涂巷三
分去一其餘六十億畝月令季春命有司修和隄防導
達溝瀆孟秋完隄防謹壅塞以備水潦

八月宿值
畢畢好雨

郊特

牲曰祭防與水庸事也荀卿曰修隄防通溝漕行水潦
安水藏以時決塞歲雖凶旱使農夫有所耘艾司空之
事也班固曰后稷始耨田以二耜為耦廣尺深尺長終晦
一晦三耨一夫三百耨而播種於耨中亢倉子曰耨欲

深以耑晦欲沃以平

遂人言五溝之制而始於遂匠人言五溝之制而始
於剛則剛非溝也乃播種之地而已一剛三剛一夫
三百剛剛從則遂橫剛橫則遂從遂從則溝橫遂橫
則溝從由溝以達洫由洫以達澮其橫從如之春秋
傳稱晉人使齊之封內盡東其畝國佐對曰先王疆
理天下物土之宜而布其利故詩云我疆我理南東
其畝今吾子疆理諸侯而曰盡東其畝而已惟吾子

戎車是利無顧土宜其無乃非先王之命者乎蓋天下之地勢西北高而東南下故古者或東其畝或南其畝畝之所嚮溝涂隨之則南東其畝者亦其大致如此而已不必盡然鄭氏曰以南畝圖之遂從溝橫洫從澮橫九澮而川周其外然川之所流當適地泐非於萬夫之外必有大川圍而匝焉顏達疏詩謂鄭氏所言特設法耳其說是也溝洫之於田野可決而決則無水溢之害可塞而塞則無旱乾之患荀卿曰修隄

陽通溝洫行水潦安水藏以時決塞則溝洫豈特通水而已哉稻人掌稼下地以瀦蓄水以防止水以溝蕩水以遂均水此又下地之制與遂人匠人之法異也考工記所謂水屬者屬溝洫也所謂稍溝者溝末也自溝末言之謂之稍溝自田端言之謂之田首溝遠而不倍不足以容水水行而不磬折不足以殺其勢觀易坎為弓輪而河亦百里一曲千里一曲一直則溝洫之制磬折可知矣先王之時通九川陂九澤

溝洫絡脉布於天下則無適而非水利也及井田廢而阡陌作於是史起引漳以富河內鄭國鑿涇以注關中李冰壅江以灌蜀地畝係引汾以溉蒲阪以至白公之於渭邵信臣之於南陽馮臻之於鏡湖張閼之於新豐塘劉義欣之於芍陂鉗盧李襲稱之於雷陂史臣書之以為異績此特名生於不足耳

五涂

遂人夫間有遂遂工有徑十夫有溝溝工有畛百夫

有洳洳工有涂千夫有澮澮工有道萬夫有川川工
有路鄭氏曰徑容牛馬畛容大車涂容乘車一軌道
容二軌路容三軌其說蓋以匠人之制推之也匠人
王城經涂九軌環涂七軌野涂五軌環涂以為諸侯
經涂野涂以為都經涂由是差之諸侯環涂五軌野
涂三軌都之環涂野涂皆三軌則遂入路容三軌道
容二軌以至徑容牛馬理或然也匠人曰凡溝必因
水勢防必因地勢善溝者水漱之善防者水淫之凡

為防廣與崇方其殺三分去一大防外殺蓋溝成則
涂立涂立則防立遂溝洫澮川雖不同皆謂之溝司
險曰五溝是也徑畛涂道路雖不同皆謂之涂司險
曰五涂是也然涂不特如此而已亦謂之旅記曰旅
樹是也亦謂之行詩曰微行是也爾雅曰宮中街謂
之壺廟中路謂之唐堂途謂之陳一達謂之道路二
達謂之岐旁三達謂之劇旁四達謂之衢五達謂之
康六達謂之莊七達謂之劇驂八達謂之崇期九達

謂之達蓋涂莫小於徑莫大於路莫枝於達書言無
有作好遵王之道無有作惡遵王之路以作好之利
小作惡之害大故也兎置之詩言在彼中達在彼中
林以中達之德顯中林之德晦故也量人掌天下之
涂數皆書而藏之國語司空視涂蓋藏其數欲知所
達之遠近視之欲察其涂之修否

禮書卷二十八


欽定四庫全書

禮書卷二十九

宋 陳祥道 撰


禮書圖

藉田南郊




耕車

周禮木路不
以草漆之而
已軌




耕壇

掌次掌凡邦之張事
則耕壇蓋有幕也




先農壇




神倉

亦曰御廩別而言
之圖曰廩方曰倉



倉




人耦


齊語曰夫農首戴茅
蒲身衣襪襪韋昭曰

茅蒲登襪襪
蓑蓑衣也



牛
耦





耕藉

鄭氏曰藉之言借也韋昭亦曰藉借也借民力以治之然則甸師掌帥其屬而耕耨王藉

則王一耕之而使庶人終之故孟子曰諸侯耕助以共粢盛此所謂借也應邵曰藉者帝

王典藉之常也臣瓚曰藉蹈藉也非是

甸師掌帥其屬而耕耨王藉以時入之以共齊盛

其屬府史

胥徒也王以孟春躬耕帝藉天子三推三公五推卿諸侯九推庶人終於千畝庶人謂從三百人藉之言借也王一耕之而使庶人芸茅終之內宰工春詔王后帥六宮之人而生種

種之種而獻之於王

古者使后宮藏種以其有傳類蕃孳之祥必生而獻之亦能育之使

不傷敗且以佐王耕事共禘郊也

月令孟春之月乃擇元辰天子親載

耒耜措之于參保介之御間帥三公九卿諸侯大夫躬

耕帝藉天子三推三公五推卿諸侯九推反執爵于大

寢三公九卿諸侯大夫皆御命曰勞酒

元辰蓋郊後吉辰也耒耜之工

曲也保介車石也置耒於車右與御者之間明已勸農非農者也人君之車必使勇士衣甲居右而參乘備非

常也保猶衣也介甲也

樂記曰耕藉然後諸侯知所以敬祭義曰

天子為藉千畝冕而朱紘躬秉耒諸侯為藉百畝冕而青

紘躬秉耒以事天地山川社稷先古以為醴酪齊盛於是

乎取之敬之至也又曰耕藉所以教諸侯之養也祭統

曰天子親耕於南郊以共齊盛王后蠶於北郊以共純服諸侯耕於東郊亦以共齊盛夫人蠶於北郊以共冕服天子諸侯非莫耕也王后夫人非莫蠶也身致其誠信誠信之謂盡盡之謂敬敬盡然後可以事神明此祭之道也表記子言之君子之所謂義者貴賤皆有事於天下天子親耕粢盛秬鬯以事上帝故諸侯勤以輔事於天子詩載芟春藉田而祈社稷也國語曰宣王不藉千畝虢文公諫曰不可夫民之大事在農上帝之

染盛於是乎出民之蕃庶於是乎生日月底于天廟

天廟

營室也

土乃脉發先時九日太史告稷曰自今至于初吉

初吉二月初朔也

陽氣俱蒸土膏其動稷以告王乃使司徒咸戒

公卿百吏庶民司空除壇于藉命農大夫咸戒農用先

時五日王即齊宮百官御事各即其齊三日及期王裸

鬯乃行百吏庶民畢從及藉后稷監之膳夫農正陳藉

禮太史贊王敬從之王耕一墾班三之

班次也王耕一墾一耦之發也

耦廣五寸二耦為耦一耦之發廣尺深尺三之下各三其上也王一墾公三卿九大夫二十七也

庶民

終于千畝畢宰夫陳饗膳宰監之膳夫贊王王歆太牢
班嘗之庶人終食廩于籍東南鍾而藏之又曰王治農
於籍耨穫亦於籍習民數者也春秋書御廩災穀梁曰
災不志此其志何也以爲惟未易災之餘而嘗可也志
不敬也天子親耕以共粢盛后親蠶以共祭服國非無
良農工女也以爲人之所盡事其祖禰不若以已所自
親者也

籍田

南郊

記曰天子諸侯莫非耕也王后夫人莫非蠶也身致其誠信誠信之謂盡盡之謂敬敬盡然後可以事神明此祭之道也然則天子為籍千畝於南郊正陽之位也冕而朱紘則朱者正陽之色也諸侯為籍百畝於東郊少陽之位也冕而青紘則青者少陽之色也其時則中春春秋傳曰啓蟄而郊郊而後耕國語曰日月底于天廟至于初吉

韋昭曰二月之吉

先時五日告協風至即齋宮三日

乃行是也其日則剛日曲禮曰外事用剛日月令曰乃

擇元辰是也其祭則祈社稷于內享先農于外詩曰春

藉田而祈社稷國語曰膳夫農正陳藉禮是也

韋昭曰陳藉禮

而祭其神自漢以來皆祀先農則古可知

其禮則后帥六宮贊事於內司空

后稷太史瞽師鬱人犧人膳夫農正司徒太師贊事于

外周禮內宰詔后帥六宮之人生種稌之種獻之于王

國語曰太史告稷司空除壇之類是也親載耒耜猶農

者之出疆也載必措于保介之御間又明勸農者也王

必三推即所謂一撥也三公五推卿諸侯九推即所謂

班三之也王以一人而發其土三公三人卿九人大夫
二十七人繼之則月令所言者推數也國語所言者人
數也庶人終于千畝甸師所帥之徒也既事則王歆太
牢班嘗之庶人終食反執爵于大寢公卿諸侯大夫皆
御命曰勞酒此春耕之終事也若夫夏耨秋穫王又至
焉國語所謂耨穫亦於籍是也後世月或用孟春

月令
孟春

蓋秦禮也孔穎達釋詩序曰月令孟春耕籍仲春命民
社大司馬蒐田祭社祈社與籍田雖異月以俱在春時
故序以春總之其說與國語不同漢章晉隋皆
用正月特漢明及梁天監中唐開元禮用二月
日或用

亥

鄭氏釋月令謂凡辰吉辰也孔穎達曰以亥為天倉故用之晉武宋文北齊皆用亥或用乙

以乙耕

或於東

漢文章晉武及唐東耕特隋耕于國南

或於東南

宋文北齊

皆於或於近

宋文帝宮之辰地八里之外隋於國南十四里

或於遠

漢明東巡耕於

下邳章帝北巡耕於懷縣

衣或以通天冠青幘青袞

宋文時禮

耜或以黛

唐禮耕或盡壠

唐玄宗進耕五十餘步盡壠而止

壇或祭先農或祭社

歷代

皆祭先農唐神龍初用祝欽明之說改先農壇為帝社壇開元中親祠神農于東郊勾芒配

祭或以

太牢或以羊此歷代之禮所尚異也考之於禮蜡合萬

物而索饗之則羣小祀也其禮主先嗇先嗇先農也王

以玄冕祭之則耕藉之祭先農其服玄冕可知也

唐以希冕

享先農玄冕蜡祭百神

小司徒凡小祭祀奉牛牲羞其肆鄭氏謂

小祭祀王玄冕所祭者則祭先農用牛牲可知也王之

藉掌以甸師而諸侯亦有甸人

文王世子曰公族有罪磬于甸人

則諸

侯之禮與王畧同矣

耕車

周禮木路不輓以革漆之而已

漢志耕車三蓋東京賦曰農輿路木薛綜曰所謂耕根車也然晉武及梁乘木路宋文及唐乘耕根車三重蓋

而唐志木路黑質耕車青質則木路與耕根車少異耳
考之周禮田僕掌馭田路以田以鄙鄭氏曰田路木路
也田田獵也鄙循行縣鄙然則耕藉於郊蓋木路歟

耕壇

掌次掌凡邦之張事
則耕壇蓋有幕也

國語曰司空除壇于藉而宋有御耕壇於中阡東陌北
將耕宿青幕于耕壇之上北齊於藉田一項地中通阡
陌作祠壇又外設御耕壇後梁有親耕臺在壇東帝親
耕畢登臺以觀公卿之推而晉及北齊隋唐皇后躬蠶

亦有桑壇然則古者躬耕田有耕壇司空除壇不特除農壇而已

先農壇

國語曰司空除壇于籍漢舊儀春始東耕官祠先農以一太牢先儒謂先農神農也立壇於田所祠之其制度如社之壇後漢藉田儀正月始耕常以乙日祠先農已享乃就耕位晉以太牢祀先農宋元嘉中度宮之辰地整制千畝中開阡陌立先農於中阡西陌南御耕壇於

中阡東陌北將耕宿青幕于耕壇之上耕日以太牢祠
先農如帝社儀後魏太武天興中祭先農用羊一北齊
藉田作祠壇於陌南阡西廣三十尺四陛三壝四門正
月上辛後吉亥祠先農神農氏於壇上無配太宗親祭
先農藉于千畝武后改藉田壇為先農壇神龍初祝欽
明奏曰祭法王自為立社曰王社先儒以為其社在藉
田之中詩序云春藉田而祈社稷是也乃改先農壇為
帝社然則先農即禮所謂先嗇也歷代所祭或以太牢

或以羊或以乙日或以亥日要皆不遠於禮其改先農壇為帝社此於經無見特傳會詩序為之說

神倉

亦曰御廩別而言之
園曰廩方曰倉

倉

明堂位曰有虞氏之米廩

鄭氏曰虞帝上孝
今藏粢盛之委焉

詩曰亦有

高廩國語曰廩于籍東南鍾而藏之春秋書御廩災公羊曰御廩粢盛之所委也穀梁曰甸粟而納之三宮三宮米而藏諸御廩月令季秋藏帝藉于神倉廩亦謂之

倉者周禮廩人掌九穀之數以待國之匪頒賙賜稍食
倉人掌粟人之藏辨九穀之物以待邦用而廩人下大
夫二人上士四人中士八人下士十有六人徒三百人
倉人中士四人下士八人徒四十人鄭氏謂藏米曰倉
廩人以粟為主廩人者舍人倉人司祿官之長說文曰
廩而取之故謂之廩倉黃取而藏之故謂之倉或曰方
曰倉圉曰廩倉廩之別雖不可得其詳然詩言乃求千
斯倉則言倉之多言亦有高廩萬億及秭則言藏之多

又周禮廩人掌九穀之數倉人掌九穀之物而廩人為倉人之長則廩固大於倉矣詩曰曾孫之庾月令曰修圉倉考工記曰圉窳倉城逆墻六分鄭氏曰圉園倉穿地曰窳荀卿曰垣窳倉廩財之末也吳語曰圉鹿空虛

韋昭曰圓曰圉方曰廩

爾雅曰廩廩也然則倉也廩也廩也圉也

窳也鹿也皆禾穀之所藏露積曰庾地藏曰窳窳或作

窖鹿或作廩

晉天文志危星主天倉胃三星主倉廩隋天文志天胃十三星在胃南主給御糧天

廩四星在昴南一曰天倉畜黍稷以供饗祀六星在婁南倉穀所藏西南四星曰天庾積廚粟之所

人耦

齊語曰夫農首戴茅蒲身衣襪襪韋昭曰茅蒲登襪襪蓑襪衣也

牛耦

詩曰十千維耦周禮里宰合耦于耜匠人二耜為耦一耦之伐廣尺深尺謂之畦月令季冬命農計耦耕事語曰長沮桀溺耦而耕鄭氏釋周禮謂古者耜一金兩人併發之又謂合人耦則牛耦亦可知王弼釋易亦曰牛者稼穡之資而孔子之時冉耕字伯牛則古者耦耕不特以人亦以牛也然史稱漢趙過始教民牛耕而王鄭

且云爾者賈公彥曰或周魚有牛耦至漢趙過乃絕人耦專用牛耦於義或然

土牛

月令季冬命有司大難旁磔出土牛以送寒氣

出猶作也作土

牛者丑為牛牛可牽止也送猶畢也正義曰其時月建丑又土能尅水持水之陰氣故特作土牛以畢送寒氣

也唐月令曰季冬命有司出土牛以示農耕之早晚

若立

春在十二月晦則策牛人近前示其農早也立春在正月晦及二月朔則策牛人當中示其農平也立春近正

月望則牛人近後漢志冬之月立土牛六頭於國都郡後示其農晚也

縣城外丑地以送大寒

月令章句是月之會建丑丑為牛寒將極是故出其物類形像

以示送達之且以升陽也

土勝水牛善耕勝水故可以勝寒氣善耕故可以示農

耕之早晚月令季冬之月大難旁磔然後出土牛則出

土牛驅除之終事也既乃告民出五種命農計耦耕事

則出土牛又農耕之始事也後世土牛之法以歲之幹

色為首

甲至癸為十幹甲乙木其色青丙丁火其色赤戊己土其色黃庚辛金其色白壬癸水其色黑

支色為身

寅至丑為十二支寅卯木其色青巳午火其色赤申酉金其色白亥子水其色黑辰戌丑

未土其色黃

納音色為腹

若甲子乙丑金其色白丙寅丁卯火其色赤他皆放此

以立

春日幹色為角耳尾支色為脛納音色為蹄

設令甲子歲甲為幹

其色青則青為牛首子為支其色黑則黑為身納音金其色白則白為腹又若丙寅日立春丙為幹其色赤則赤為角耳尾寅為支其色青則青為脛納音火其色赤赤為蹄其說蓋有所傳然也

禮書卷二十九